




# 中國地方志集成

省志輯·黑龍江 ②


民國黑龍江志稿(二)

鳳凰出版社●上海書店●巴蜀書社





民國黑龍江志稿(二)



萬福麟  
張伯英  
等纂修

黑龍江志稿卷三十一

武備志

兵事

境外征調

元

歲癸亥金嘉泰三年秋成吉思汗自巴勃渚納舉兵西襲王罕滅

之冬班師東歸

成吉思與王罕及其子你勃合議媾未成而交疏汗尋移軍阿

不只阿闊迭格兒有地名呼山呼相傳或謂吉城南有駐軍於此故有汗山

野此阿山不之阿闊迭格兒當在汗山間之亦田之王罕亦西還者者

額兒溫都兒之折兒合不赤孩王罕子你勃合桑昆陰忌成吉

黑龍江志稿 卷三十一 武備 兵事

思與其父潛師來襲戰於合刺合勃只勃沙陀兩軍殺傷相當

而汗盡失輜重餽糧部落離散危甚自此移牧統格黎克豁羅

罕之東有漢語謂得稱謂河即此統格黎之二百里為道尋徒巴勃

渚納水上至是乃舉兵溯客魯漣西襲王罕以復前仇先與弟

合撒兒謀遣其麾下親信沿兀列歹人合里歹答兒兀良合歹

人察兀兒孩謬為合撒兒之言往給王罕曰吾兄離我不知何

往緣道求之不得其蹤跡登高而呼彼亦不聞我聲我妻子在

父王罕所我何歸哉我今帳木葉枕土石而臥仰視星辰終夕

不寐思還事父王罕儻念前勞許我自效遣親信一人來與我

盟則我束手歸命矣二使瀕行汗申誠之曰汝往吾潛師踵汝

後汝既得要領歸途指客魯漣沐漣南阿兒合勃苟吉以行吾

期汝於是二使既行即命主兒扯歹阿兒孩合撒兒前鋒往駐

阿兒合勃苟吉之地合里兀荅兒察兀兒孩至王罕所致合撒

兒之言王罕信之即遣近侍亦禿兒堅隨二使來與盟將及期

會之地亦禿兒堅遙望前途多伏兵影跡遽反縛走合里兀荅

兒疾馳突出其前不敢徑執勒騎橫當去路察兀兒孩馬疲尾

隨後及射之中其馬驚馬驚坐則執以至汗於是命主兒扯歹

阿兒孩合撒兒前鋒兵晝夜兼行直擣者額兒溫都兒之隘

出不意攻圍王罕盡俘其民王罕父子以數騎逸出行至乃蠻

界上王罕下馬趨飲為乃蠻戍將豁里速別赤所執殺你勃合

獨脫走展轉至西域為哈刺赤部主黑鄰赤哈刺殺之客列亦

亡是冬汗班師東歸卓帳阿不只阿闊迭格兒

黑龍江志稿 卷三十一 武備 兵事

蒙格可汗七年丁巳宋寶祐五年春汗幸忽蘭也爾吉之地徵諸王兵

伐宋

先是諸王也孫格駙馬也速兒等請伐宋汗亦以宋人背約因

使會議伐之遂命諸王各還本部至是汗幸忽蘭也爾吉今呼

和奇城此忽蘭也爾吉之地在小根河之北徵諸王兵夏六月

謁成吉思汗行宮祭旄纛復會諸王於客魯漣沐漣上九月自

將南伐

清

康熙三十四年正月甲子將軍薩布素奏查勘地形分置程站以

備會師進剿厄魯特從之

前因厄魯特有蠢動聲息上諭黑龍江將軍薩布素即歸整兵



豫備設有事進勦盛京烏喇及爾處官兵可會形勝之地相機前進科爾沁兵亦令隨行至是薩布素疏言臣竊諒偵查形勝之地惟索岳爾濟山最爲高大擬派官兵自盛京烏喇墨爾根三處至索岳爾濟山一一丈量分置程站其無水之處掘井以待嗣後若索岳爾濟山之東北呼倫貝爾等處有警則與臣駐軍之地相近臣卽先進兵烏喇盛京兵繼之若索岳爾濟山之西烏爾會等處有警則與盛京相近盛京兵先進烏喇及臣處兵繼之總期會於索岳爾濟山以進奏至從之

八月丙午命薩布素遣人遠探噶爾丹聲息相機進討並令京城盛京甯古塔等處兵尅期會於烏爾會之地

上諭內大臣明珠等曰聞噶爾丹有順客魯倫而來之信京城黑龍江志稿

卷三十一 武備 兵事

三

豫備兵三隊應令作速啟行第一隊於是月二十四日啟行所派諸王及兩班侍衛與二三隊行期各間一日盛京豫備兵二千甯古塔豫備兵一千著尅期會於烏爾會之地再徵黑龍江將軍薩布素令遣人遠探噶爾丹侵犯車臣汗地方聽酌量行事設有前來聲息卽踵尾以進有用烏喇兵處可率之去不用仍令往會盛京兵盛京烏喇二處命副都統齊爾布往諭之科爾沁兵分二千名來會於烏爾會之地土默特貝勒尼爾德木圖令速回將其所屬並貝子喇思查善旗兵酌派亦往與盛京兵會遣理藩院官一員赴救漢奈曼亦將兵酌派帶至巴林台吉阿喇卜坦處京師兵勿裹糧支領坡賴村米此處大臣侍衛官員等所有駱駝往運坡賴村米給放在此兵卒前鋒參

領夸色著署左翼前鋒統領其前鋒參領可於新滿洲內選員署之古北口總兵官何應元石匣副將馬進良於兩處官員內將人材壯健有馬匹者選二十員各携軍器鳥槍以來速檄知之

康熙三十五年二月甲午命薩布素偵探噶爾丹情形整軍防禦上諭領侍衛內大臣近視口外來報噶爾丹情形亦有東行之狀著黑龍江將軍薩布素立刻整備屬下兵馬遠設偵探如有用盛京甯古塔兵之處許彼星馳往召總轄調遣其左右蒙古亦當小心防備口外所報噶爾丹之事悉發與薩布素知之盛京甯古塔將軍處亦著檄知

三月壬申命薩布素率兵赴客魯倫北方收集生巴爾虎

黑龍江志稿

卷三十一 武備 兵事

四

先是遣前鋒參領納林往令將軍薩布素統黑龍江及盛京甯古塔三路大兵前進至是納林還代薩布素奏言臣率所屬之兵於四月初草生之時預先啟行於雅爾濟秦周圍形勝之地屯紮其甯古塔兵令往磨爾昏地方周圍相近處屯紮盛京兵令擇相宜處前進屯紮奉諭盛京及甯古塔兵依將軍薩布素所奏前進屯紮薩布素著率所屬兵一千五百名齎三月糧於四月初旬啟行前赴客魯倫北方若有生巴爾虎來時相遇則收集以回

五月辛未命薩布素等統兵駐防索岳爾濟山

上諭議政王等盛京烏喇黑龍江兵共六千名內留黑龍江一千名盛京一千名著將軍薩布素副都統穆泰帶領駐劄索岳

爾濟山直至七月其餘兵丁令各回本處酌量給其可至彼處之糧所餘糧米盡行撥給索岳爾濟山駐劄兵丁

七月甲戌命大將軍伯費揚古率黑龍江並蒙古兵迎勦噶爾丹命將軍薩布素率兵駐科圖收納厄魯特降人

大將軍伯費揚古等疏言黑龍江將軍薩布素於七月十六日已率兵到科圖臣等遵旨正擬領兵回京得侍讀學士喇錫之報知噶爾丹欲往翁金一路已自他米爾起行是以臣等率官兵駐科圖候旨議政王等議應令大將軍伯費揚古親身沿邊而往酌調善巴王及附近旗分兵駐劄邊汛噶爾丹前來即迎勦之其與大將軍同處之兵將軍孫思克博齊俱令來京餘總兵等官俱令率兵回汛上曰此乃大將軍伯費揚古未完之事著

黑龍江志稿

卷三十一 武備 兵事

五

率薩布素兵五百並酌取蒙古兵往善巴王邊汛諸地方偵探聲息噶爾丹或在翁金或有過去之信相機迎剿著將軍薩布素率所餘兵五百駐劄科圖如有厄魯特來降時令其收納

康熙三十六年正月乙卯命駐大同黑龍江兵移屯右衛備隨兩路大兵進勦噶爾丹

上諭理藩院尙書班迪等今觀噶爾丹勢甚窮蹙天與不取坐失事機應撥兵豫備今次出兵亦分爲兩路兵各三千名此兩路兵不必預定期約令相機而行綠旗營派兵從少馬則從多方可與滿兵同行米則照常隨行外沿邊有牛羊可買著動支正項錢糧每路各買牛羊二萬發去於軍資大有裨益至運米以馬駝爲要亦當多備須選能員往甘州寧夏探買爾等集議

以聞尋議覆大同所有前鋒兵四百烏槍護軍一千火器營兵

二百黑龍江兵五百並留駐大同新滿洲護軍二百駐劄寧夏副都統阿蘭台兵七百共合三千令一路進勦將軍博齊率西安兵二千見駐肅州再令將軍孫思克於所屬標營內選兵一千每人酌給馬匹合爲三千令一路進征應給綠旗兵之馬卽於綠旗兵馬內選肥壯給與至所需駝馬騾驢牛羊在寧夏者交西安副都統阿蘭台採買在肅州者交駐劄宣化侍郎席密圖往肅州採買著照時價勿得短少至大將軍伯費揚古如目下有事仍率前鋒統領領所備之兵而行如目下無事在大同養馬俟出兵則率前鋒與是軍同行黑龍江兵應令往右衛屯駐豫備餘如議尋差侍讀學士阿爾賽等十員分往寧夏阿

黑龍江志稿

卷三十一 武備 兵事

六

蘭台肅州席密圖處會同監買

閏三月壬午命調黑龍江兵駕船運送軍米於白塔

上諭內大臣等大兵行期暫緩米應先運至白塔爾等會同督運左都御史于成龍等將所有船隻酌留渡口備用外其餘船隻盡行載米運往但此地水手不甚諳練黑龍江之兵頗習於船可發二百名令率本地水手乘此時裝運二次其大兵所攜四個月口糧俟至白塔再行散給

閏二月癸未以黑龍江軍馬羸瘦命以官馬易之

上諭領侍衛內大臣公福善索額圖馬恩哈大學士伊桑阿等黑龍江之兵效力心切故薩布素自稱馬壯朕今巡城見黑龍江軍中馬匹羸瘦若將此馬乘用恐歸時必致疲斃伊等若有

行走之事朕另當給馬將伊等之馬於察罕托海地方牧放遣人送往歸化城俟事畢各乘己馬歸本處則易到也

閏三月己酉聖祖親視黑龍江等出征兵起程

本日聖祖駐蹕黃河西岸船站親視八旗前鋒黑龍江兵起程遇馬駝稍有疲蹇者均以內廐馬駝易之

康熙五十四年四月丁亥命副都統白濟等統領黑龍江索倫打虎兒兵移駐推河備勦準噶爾策妄阿喇布坦

時準噶爾策妄阿喇布坦來擾哈密上諭議政大臣等著派黑龍江兵五百名並打牲索倫打虎兒兵五百名三處喀喇沁兵一千名每人各帶長槍鳥鎗其黑龍江打牲索倫打虎兒兵著從口外往歸化城去喀喇沁兵著乘自有馬匹從本處起程其

黑龍江志稿

卷三十一 武備 兵車

七

口糧到湖灘河朔再支領倉米倘糧不足著支領唐三營倉米於八旗出廠馬匹內給喀喇沁兵每人馬二匹如同歸化城察哈爾並右衛豫備之兵發往推河地方駐劄則不拘何處俱可去得著議奏議政大臣等遵旨議覆右衛察哈爾歸化城之兵已經豫備應令將軍費揚古於咨文到日率領起程見在所調黑龍江索倫打虎兒喀喇沁之兵令陸續往推河地方其厄魯特額駙寶及鄂爾多斯兵亦令至推河俱聽將軍費揚古調遣得旨喀喇沁兵著格勒爾帶往侍衛色楞授爲副都統前去黑龍江兵著副都統白濟帶往索倫打虎兒兵著總管布珠并哈忒虎之子衣里布帶往

康熙六十年五月庚寅令副都統穆克登統領黑龍江船廠之新

滿洲索倫打虎兒官兵赴巴爾庫爾軍前豫備調遣

上諭議政大臣等大將軍允禔明年欲行進兵或今年冬季策妄阿喇布坦處廢敗事出有機會可乘亦未可知應令副都統穆克登將黑龍江船廠之新滿洲索倫打虎兒官兵揀選五百名和托輝特公博貝之弟台吉圖巴於伊兵內酌量派出幾人再喀爾喀貝勒丹金多爾濟揀選伊屬下兵丁吳梁海札薩克台吉托穆克帶伊屬下兵丁俱赴巴爾庫爾軍前豫備調遣著速議具奏尋議黑龍江船廠之新滿洲索倫打虎兒官兵應令穆克登帶領前去喀爾喀兵丁應令貝勒丹金多爾濟帶領前去從之

黑龍江志稿

卷三十一 武備 兵車

八

雍正八年正月癸酉命副都統王常等統領黑龍江兵隨同奉天等處兵前往北路軍營并以餘丁補充派出缺額上諭奉天兵一千五百名著副都統額爾勒統領黑龍江兵二千名著副都統王常索倫總管沙津統領甯古塔兵一千五百名著副都統烏察拉統領察哈爾兵一千名著總管達什統領前往北路軍營應賞銀兩寬裕賞給其派出兵丁六千名著各該處將軍副都統照數將餘丁充補

雍正九年七月庚午命副都統額爾勒等統轄奉天船廠黑龍江兵駐劄塔米爾地方防禦噶爾丹策零叛黨

上諭大學士等羅卜藏喇錫統領之札薩克兵丁及盛京烏拉等處之兵從前曾令其至順承郡王軍營駐劄此內若有已到軍營者卽駐劄彼處其未到者著在塔米爾地方會同一處駐



劄盛京船廠黑龍江之兵著額爾勒統轄烏察拉王常協管

雍正十年二月丙辰以黑龍江協領布爾沙進征科布多奮勇有

功授副都統職銜

靖邊大將軍順承親王錫保奏言臣等欽奉諭旨以現在軍前大臣甚少恐不敷調遣命在軍營夸蘭大官員內如有可勝副都統護軍統領之任者令臣等密封題奏今有新調船廠佐領委署前鋒噶賴大阿思哈同額駙策凌效力行間黑龍江協領委署前鋒噶賴大布爾沙科布多進兵時奮勇奪占山嶺甚屬效力率領新調右衛兵丁參贊內大臣伯欽拜實心辦事善於約束馬爾賽處副都統塔爾馬善從前在阿爾泰巴爾庫爾兩處軍營俱屬出力請賞給阿思哈布爾沙副都統職銜令欽拜

黑龍江志稿

卷三十一 武備 兵部 九

塔爾馬善前來察罕叟爾軍營得旨馬爾賽辦事甚不悞朕意札克拜達里克軍營全賴欽拜一人白格爾地方駐劄大員內亦無歷練之人故授塔爾馬善為達爾濟軍營參贊并委署前鋒統領著將欽拜塔爾馬善暫留札克拜達里克白格爾地方阿思哈布爾沙著照順承親王所請俱授副都統職銜

六月甲戌順承親王錫保請帥黑龍江等處兵駐劄台錫里山防

守白格爾軍米從之

靖邊大將軍順承親王錫保等奏言據賊營脫歸之喀爾喀根都爾錫等供稱小策敦多卜領兵於齊林處會齊從布拉罕等處發兵一萬五千和通胡爾哈等處發兵一萬五千二路來犯阿爾泰於七月間進兵等語臣等詳思準噶爾賊性姦狡或一

路而來或分路前進俱不能預定今將特斯路預防一萬精兵擇水草處駐劄外再將軍達爾濟所領兵丁尚未到白格爾范清曠所運之米已有三千餘石運到白格爾地方應加防守臣等現派原任提督周瑛何祥書等統領三千綠旗兵丁前赴白格爾駐劄又調副都御史阿成阿所領家選兵二千臣處黑龍江兵一千內札薩克兵一千喀爾喀兵二千同駐台錫里山以三千綠旗兵為翼在白格爾深溝高壘嚴排鹿角防守糧米既可要賊之來路策應達爾濟遠來之兵亦甚有益奏入報聞八月庚申命侍郎和善等率領黑龍江等處兵赴達里剛愛屯駐預備調遣

黑龍江志稿

卷三十一 武備 兵部 十

上諭辦理軍機大臣等前經降旨令盛京等處備兵以候調遣今派盛京船廠黑龍江兵一萬其盛京兵著護軍統領扣婁副都統白爾赫圖率領船廠兵著領侍衛內大臣薩穆哈率領黑龍江兵著盛京侍郎和善內閣學士吳金率領俱於目下起程至達里剛愛過冬以便來年青草發時各處調遣

十一月辛卯准侍郎和善等奏黑龍江兵暫緩起程俟明年青草時直向克爾倫圖拉前進

盛京戶部侍郎和善等奏言齊齊哈爾地方於九月二十八日十月十五日大雪兩次草俱掩沒官兵難以行走因會同將軍卓爾海等商量停止起程令暫居各屬城所明年或前往達里剛愛或調遣別處候旨遵行得旨著照和善等所請暫令居住明年青草發生時著繞過興安山嶺由呼倫貝爾直至克爾倫

圖拉地方緩緩行走休養馬匹務於七月內前抵軍營

十二月己巳以征勦準噶爾功分別陞賞索倫營總班圖巴里孟

古海薩爾圖等副都統職銜孔雀藍翎有差

辦理軍機大臣等議覆額駙策凌奏言此次征勦準噶爾之索倫兵丁業經加恩賞賚所有奮勇效力之營總章京等並請另行獎賞以示鼓勵應如所請將索倫營總班圖巴里孟古海薩爾圖俱授副都統職銜仍會同布爾沙管轄索倫兵丁營總那斯太等佐領克什克圖章京布賴等賞給孔雀翎領催達魯魯賞給藍翎從之

雍正十一年四月丙子命將軍卓爾海帶領呼倫貝爾兵丁前往察罕叟爾軍營其將軍印務著奉天將軍那蘇圖馳往署理

黑龍江志稿

卷三十一 武備 兵車

十一

上諭據大學士鄂爾泰等奏請將駐劄呼倫貝爾地方索倫巴爾虎兵三千名內調撥二千名前往察罕叟爾軍營其軍營現在所有殘疾兵丁應行減退等語著照鄂爾泰所請於呼倫貝爾兵內挑選二千名著黑龍江將軍卓爾海帶領前往軍營卓爾海到軍營後再回任所其料理兵丁起程選派官員管轄應於何日起程之處著卓爾海酌量議奏其餘兵一千名著博第達巴哈統領照管伊等游牧妻子產業黑龍江將軍印務著奉天將軍那蘇圖馳驛前往署理奉天將軍印務著尙書海壽馳驛前往署理刑部尙書事務著公慶復署理海壽到盛京後那蘇圖再往齊齊哈爾俟卓爾海自軍營回任之日那蘇圖海壽各回任所

雍正十二年八月丙辰軍機大臣等請將北路軍營防戍內黑龍江等處兵擇其著有勞績暨孤身無人照管者分別給與車輛馬匹撤回從之

辦理軍機大臣等議奏北路軍營現有滿洲蒙古綠旗兵共六萬三百餘名俟本年科布多之兵撤回烏里雅蘇台時卽於防戍兵及傅爾丹帶往兵丁內將著有勞績暨孤身無人照管者京師滿洲兵約撤回五百名奉天船廠黑龍江兵約撤回一千名其寧夏右衛暨翁牛特內札薩克等處兵丁悉行撤回分別給與車輛馬匹其餘兵丁暫行留駐候旨辦理從之

九月丁酉平郡王福彭奏報遵旨率領北路軍營黑龍江等處進勦官兵三路撤回情形

黑龍江志稿

卷三十一 武備 兵車

十二

定邊大將軍平郡王福彭奏言北路進勦官兵等遵旨撤回於九月初六日臣帶領奉天兵二千名船廠兵一千名黑龍江兵一千名從科布多軍營起程令副都統王常領右衛兵一千名其餘兵丁令副都統塔爾岱常德等率領殿後俱各遠設卡倫瞭望防範行至察罕鄂羅穆地方分爲三隊臣領兵由空各衣中路行仍令塔爾岱等居後又令公葛木不哨兵在後派副都統哲庫訥率領一隊行空各衣北路以貝勒成滾札卜哨兵殿後分道撤回俟大軍過冬地方酌將察哈爾厄魯特兵索倫兵並內大臣哈達哈等所領黑龍江兵副都統富昌等所領船廠兵副都統額勒勤等所領奉天兵副都統布爾沙等所領黑龍江兵分駐布爾噶雅鏗格爾克等處家選兵駐劄濟斯布隆地

方集魯穆會盟兵四子部落兵駐劄札布韓河地方都統諾爾  
渾等所領漢軍兵五百名并駐劄烏里雅蘇台兵一千五百名  
合爲一營駐防察罕叟爾城內歸化城土默特兵綠旗兵烏蘭  
查卜會盟兵並副都統白爾赫圖所領奉天兵俱在烏里雅蘇  
台城外附近水草處駐劄再喀爾喀游牧地方遼闊酌令喀爾  
喀兵丁在大軍進東駐劄其哨探兵分爲三路每路派滿洲及  
內札薩克兵二百五十名喀爾喀兵二百五十名所有各處卡  
倫減撤一半自卡倫以至大營仍照舊分爲三路設立台站以  
資聲援俟大軍駐定後再爲商酌辦理奏入報聞

十月己未平郡王福彭奏報令撤回之黑龍江等處官兵至空各  
衣河駐劄過冬並運察罕鄂羅穆所存糧米於機達渾

黑龍江志稿

卷三十一 武備 兵甲

十三

定邊大將軍平郡王福彭奏言臣遵旨從科布多撤兵將兵丁  
分爲三路陸續起程行至空各衣河擇附近水草之處將臣所  
領之奉天船廠黑龍江兵各一千名令其駐劄過冬所有察罕  
鄂羅穆地方存貯米石酌量給與探哨官兵餘俱運至空各衣  
河之機達渾地方留綠旗兵三千名看守又領前鋒統領塔爾  
馬善將所領前鋒兵八百名卽於機達渾地方附近彈壓其王  
羅卜藏等所統內札薩克兵及貝勒成滾札卜等所統喀喇沁  
土默特兵俱接連駐劄臣領右衛兵一千名奉天兵一千名於  
十月初一日抵烏里雅蘇台軍營奏入報聞

雍正十三年四月辛亥吏部議授克爾森齊老地方擊賊陣亡之  
黑龍江驍騎校費雅思哈等世職並祭葬銀兩從之

吏部遵旨議奏北路軍營官兵於克爾森齊老地方擊賊大捷  
所有陣亡官員應加恩議敘奉天正紅旗拜他喇布勒哈番又  
一拖沙喇哈番北京從優授二等阿達哈哈番鑲白旗領催珠  
里黑龍江正黃旗副驍騎校費雅思哈授拜他喇布勒哈番給  
廠驍騎校奇弩鑲藍旗領催博里黑龍江鑲紅旗領催馬爾  
圖授拖沙喇哈番各給與應得祭葬並查明應襲之人引見承  
襲從之

乾隆元年十二月初八日賞給陣亡之黑龍江參領拖勒等祭葬  
銀兩

黑龍江正黃旗佐領委署前鋒參領拖勒正白旗三等侍衛委  
署前鋒參領雙伯正紅旗驍騎校委署參領興保俱以出征陣

黑龍江志稿

卷三十一 武備 兵甲

十四

亡本日賞給祭葬銀兩如例

十二月十九日總理王大臣議覆果親王等疏請留戍之黑龍江  
等處兵丁分年更代以均勞逸辦法從之

總理事務王大臣遵旨議覆果親王等各疏內留戍兵丁奉天  
甯古塔黑龍江五千人並三年當代但此處兵丁皆熟練戎行  
若盡易新兵恐未練習請於明年先更代二千五百人又明年  
再更代二千五百人其慶復請撥呼倫貝爾索倫兵海望請撥  
索倫巴爾虎及內札薩克兵與牛馬羣察哈爾兵之處臣等詳  
悉參酌明年換班時應撥察哈爾兵一千五百以在京副都統  
一人率之撥呼倫貝爾索倫兵一千以黑龍江副都統一人率  
之往代又明年選東三省兵二千馬羣兵五百往代之如此更



迭則新舊相間勞逸既均而防戍兵亦皆精練

乾隆十七年正月二十七日命齊齊哈爾副都統達色速赴新任

會同將軍傅爾丹籌備兵馬豫防準噶爾擾亂喀爾喀游牧

上諭達色現已調補齊齊哈爾副都統著傳諭速赴新任即密

告將軍傅爾丹今準噶爾台吉喇嘛達爾札以達瓦齊逃走派

兵駐我邊外又本年使奏請諸事朕俱未准行恐不無藉端生

事擾亂喀爾喀游牧朕特派大臣往北路軍營稽查卡倫此時

雖并無形跡萬一有事朕欲調發黑龍江之兵二三千名傅爾

丹宜密籌預備令五日內即可起身方安然此特為萬一有事

是以先期備妥並非立即用兵也切不可聲張轉致擾惑衆心

尋奏齊齊哈爾黑龍江墨爾根呼倫貝爾等處本有額設兵七

黑龍江志稿

卷三十一 武備 兵事

十五

千餘名可挑選二千再打牲索倫達呼爾等處丁壯七千餘名

亦可挑選一千官兵俱有器械其無器械之打牲索倫等查有

從前調往金川時所給兵仗撤回後俱繳回收貯可以發給所

需銀兩口糧於現駐倉庫支給臨期可以速發無誤奏入報可

乾隆十九年五月二十八日軍機大臣等議奏調赴西北兩路軍

營之黑龍江索倫巴爾虎兵丁限期至京起程前往其白黑龍

江起程日期令該將軍速議具奏

軍機大臣等奏明年進兵西路所派兵丁二萬名北路所派兵

丁三萬名務於明年四月內俱至軍營方不誤進剿之期但所

派兵遠近不等明年春草未生時勢難趨行臣等酌議其赴西

路之索倫巴爾虎兵三千名應交該將軍令於明年正月初十

日內至京師自京師送至軍營應交直隸等省督撫照往金川

兵例或用馬或用車自正月十五日起間日起程一次其由嘉

峪關送至軍營如何備馬之處交永常辦理其赴北路之京兵

四千名於明年二月初旬起程黑龍江兵二千名於明年二月

十五內至京起程前往列於京兵之末以五百為一隊間三日

起程一次至黑龍江索倫巴爾虎兵五千名或應於今年秋間

起程或俟明年起程應令該將軍速籌定議具奏辦理

六月初九日命總管畢里渾統領西路索倫巴爾虎兵

軍機大臣等奏請添派帶領西路索倫巴爾虎兵大臣得旨著

派呼倫貝爾總管畢里渾

八月十七日軍機大臣等議覆黑龍江派往西北兩路官兵軍行

黑龍江志稿

卷三十一 武備 兵事

十六

各事宜從之

軍機大臣等議覆前任黑龍江將軍清保等奏派往西北兩路

官兵軍行各事宜一現派出兵一萬名以五百為一營以總管

協領副總管為營長每五十名為一甲喇應給纛一畫角一齊

齊哈爾等處兵令各帶現存單甲一副巴爾虎官員各帶現存

棉甲一副打牲烏拉索倫達呼爾官兵向來未辦軍器除各帶

本身弓箭外每人應給棉甲一副腰刀一把梅鉞箭五十支請

交部備辦等語查打牲烏拉索倫達呼爾官兵皆有弓箭今若

交部另製梅鉞不惟一時趕造不及恐弓力亦多不合應交新

任將軍達勒當阿令該處派出官兵將本身弓箭足數帶往所

需腰刀於齊齊哈爾等城樓存貯腰刀內撥給纛旗畫角亦將

本處現存者支給至棉甲一項原爲鼓勵出力官兵之用並無添兵一名卽添棉甲一副之例應請交內務府工部將現存棉甲解赴軍營備賞毋庸另造餘應如所請一火藥鉛丸繩索由京前往兵需用者應由部撥給由邊外前往兵需用者由本處存貯項下支給等語查火藥鉛丸繩索俱係明年進兵時始用之項應俟伊等抵軍營後由將軍酌量撥給一員弁例給跟役除賞給皮衣銀二兩外應給鹽菜口糧再每兵四名合用帳房一架羅鍋一口折銀支給應如所請並行知兩路將軍等兵丁到營後毋庸再行支給一由克嚕倫赴北路兵五千名各給馬二匹每一匹折銀八兩官員按品支給跟役二名合給馬一匹亦折銀支給由京赴兩路兵五千名抵京時副都統給馬八匹

黑龍江志稿

卷三十一 武備 兵事

十七

總管協領副總管營長六匹佐領防禦四匹驍騎校三匹兵丁各一匹兩兵合給牛車一輛俱折銀支給等語查由邊外赴北路兵五千名各給馬二匹折給馬價應如所請至由京赴兩路兵五千名到京後於張家口直隸河南陝西等處安設馬台轉行解往非同由該處直抵軍營可比應令新任將軍達勒當阿酌量支給車輛車如不敷再補給馬一各項軍需約計用銀六十六萬四千兩除現存儲備銀二十萬兩額爾登額解來銀二十萬兩尚不敷銀二十六萬四千兩請由盛京戶部撥給支放俟兵起程後由京補領歸款等語應如所請辦理

十二月二十七日軍機大臣等議奏派往西北兩路之黑龍江索倫巴爾虎等兵丁提前起程日期從之并增派副都統鄂實前

往張家口辦理分給北路馬駝事務

軍機大臣等奏臣等原議派往西路之京城滿洲兵定於明年正月十五日以前起程其索倫巴爾虎哲里木等兵俱隨後接續起程發往北路之京城滿洲兵定於明年二月初旬起程其黑龍江兵亦隨後接續起程茲據順天府文稱索倫巴爾虎兵於明年正月初間卽到京城且現議先遣哨探兵前往臣等酌議索倫巴爾虎頭隊兵五百名卽於正月初三日起程每間二日起行一隊其派往西路之京城滿洲兵及哲里木兵共二千分作四隊俱接索倫巴爾虎兵之後起程前往派往北路之京城滿洲兵一千名黑龍江兵二千名分作六隊自二月初三日起至十八日止間兩日一隊陸續起程其在張家口豫備分給

黑龍江志稿

卷三十一 武備 兵事

十八

北路馬駝事務現止達松阿一人不敷辦理請再派大臣一員得旨著派副都統鄂實前往餘均依議速行

乾隆二十年七月初一日軍機大臣議覆莫爾渾等奏兩路凱旋之索倫巴爾虎等處兵至烏里雅蘇台及推河時酌給口糧數目及交納馬駝辦法從之

烏里雅蘇台辦事大臣莫爾渾等奏各處凱旋兵至烏里雅蘇台時應給口糧索倫巴爾虎黑龍江昭烏達等處兵酌給四十日察哈爾右衛綏遠城及京兵一個月喀爾喀厄魯特兵無庸給其西路凱旋兵至推河時索倫巴爾虎內札薩克兵酌給四十日察哈爾兵一個月至察哈爾及京城兵前往時在烏里雅蘇台辦給馬駝無庸撤回令至口上交納黑龍江原給馬駝亦

至本處交納昭烏達右衛綏遠城兵原有留在烏里雅蘇台牧放馬駝不敷補給其西路凱旋兵騎馱馬駝至推河時亦照此辦理事下軍機大臣議奏尋議所奏俱屬可行惟昭烏達與內札薩克兵游牧較近應給一個月口糧從之

乾隆二十一年閏九月二十八日命免黑龍江出征官兵應賠在營騎回倒斃馬駝

上諭黑龍江官兵派往出征頗屬勞苦所有在軍營騎回倒斃馬駝著加恩免其賠補以示優卹

乾隆二十五年正月二十日命選呼倫貝爾等處之索倫達呼爾兵前往烏里雅蘇台軍營並給索倫達呼爾兵俸餉之半

上諭烏里雅蘇台軍營需用防守著噶爾布舒諾們察馳驛前

黑龍江志稿

卷三十一 武備 兵甲

十九

往選派呼倫貝爾之索倫達呼爾兵五百名黑龍江墨爾根齊齊哈爾三處之索倫兵五百名交署將軍副都統舒泰辦理馬匹牲隻軍器口糧索倫達呼爾兵向無俸餉年來效力軍營甚屬勉著加恩照呼倫貝爾官兵例賞給一半俸餉其額數著定為二千名舒泰即曉諭官兵等知之

十一月二十九日命賞給擊賊陣亡之墨爾根城馬甲喀喇勒岱等四十九人之子弟各一人驍騎校世職並將黑龍江等處陷賊未出及傷發身死暨軍前溺斃之署參領班第等百八十八人交部從優議卹

上諭軍機大臣等黑龍江將軍綽勒多等遵旨查奏兵丁內有一家三人陣亡及三人內兩人陣亡各名數一摺墨爾根城馬

甲喀喇勒岱等四十九人之子弟著加恩各揀選一人以驍騎校用呼倫貝爾馬甲塔爾吉察之子葉木伯諾衣年甫八歲著暫支馬甲錢糧贍養打牲馬甲噶運察之子葉衣濟木保著加恩以驍騎校用又據查奏黑龍江等處陷賊未出及傷發身死並軍前溺斃之署參領班第等一百八十八人尚未議卹伊等均歿於王事著照陣亡之例議卹至陷賊被害之員其人原與陣亡相等又如三都布豆斌等臨陣傷重雖延至數日亦何異於陣亡惟守卡坐台人等平時疎忽遇賊倉卒被害或得傷身故豈得遽與陣亡同議卹減半賞卹已屬格外加恩此次查奏人員著該部分別辦理

乾隆二十六年正月二十一日諭索倫等處官兵應賠損壞軍器

黑龍江志稿

卷三十一 武備 兵甲

二十一

從寬免其扣餉均動官項備製

軍機大臣等議覆黑龍江將軍綽勒多疏稱據黑龍江副都統傅玉墨爾根城副都統鄂博什呼倫貝爾副都統銜總管卓哩雅等查報由副都統溫布等各隊撤回官兵原領各項軍器半因打仗損傷應如所請呼倫貝爾打牲烏拉二處官兵損壞軍器應行補造之箭鏃槍頭腰刀烏鎗旗纛畫角棉甲弓撒袋等件交武備院工部內務府照例製造移咨該將軍派員領取用過價銀即著落該官兵等限三年清賠其黑龍江齊齊哈爾墨爾根三城兵丁等損壞軍器伊等遇便來京儘可製辦亦著落該兵丁等限二年照數製辦歸款得旨此項應賠軍器自應坐扣伊等俸餉製造但索倫等行軍數年甚屬奮勉著施恩應賠



軍器從寬免其扣餉均動官項備造此係朕格外殊恩不得援以爲例

同日軍機大臣等議西北兩路撤回之黑龍江等處兵倒斃馬匹分別賠補豁免從之

軍機大臣議准黑龍江將軍綽勒多奏稱西北二路撤回兵倒斃馬匹甚多應照原給額數於伊等俸餉內坐扣賠補其陣亡病故各兵應賠馬三百七十餘匹無可著追應請豁免從之

乾隆三十四年正月初七日命黑龍江將軍傅玉再選索倫達呼爾兵一千名派員帶領赴京聽候調遣並准攜帶子弟充作跟役

上諭軍機大臣等著傳諭黑龍江將軍傅玉於索倫達呼爾內黑龍江志稿 卷三十一 武備 兵事 二十一

再派年力精壯者一千名酌量兵數派協領等官及總管副總管能管轄者一人陸續帶赴京師其應得之項均照前派二千名之例給予其子弟內有閑散壯丁情願充作跟役者准其攜帶伊等既得力且遇出缺亦便於挑補其如何揀派何時起程令該將軍速議具奏尋據傅玉奏稱前次派往官兵二千俱由打牲索倫呼倫貝爾二處揀選該二處坐卡巡察差務繁多餘兵未能一律強壯茲請由齊齊哈爾兵內揀派四百名黑龍江三百名墨爾根城二百名呼蘭城一百名共一千名分二隊每隊派協領一員率領並遵旨傳諭官兵內有願攜子弟者聽其作爲跟役帶往齊齊哈爾呼蘭二城兵五百名章京六員驍騎校六員令協領巴鼎率領於二月初六日由齊齊哈爾起程其

黑龍江墨爾根二城兵五百名章京六員驍騎校六員俟到時卽令協領巴岱帶領續發疏入報聞

正月十二日命瑚爾起率續派索倫兵赴雲南

上諭黑龍江副都統瑚爾起著留京師俟續派索倫兵一千名到京令其帶領前往雲南

乾隆三十八年六月辛亥命黑龍江將軍傅玉揀選精勁兵丁一千名隨同大兵進勦金川

時以進勦金川之兵綠營不甚得力特命富椿傅玉等於吉林兵內派出一千名黑龍江兵內派出一千名其黑龍江應派兵內派索倫五百本城<sub>黑龍江</sub>五百速行備辦卽著五百人爲一

隊作速起程至挑選此項兵丁務擇其最精最勁者始能得力黑龍江志稿 卷三十一 武備 兵事 二十一

所有領兵之章京營總等亦須久經戰陣以資督率並酌派福珠禮領吉林兵倭昇額領黑龍江兵伊等帶往由喜峯口來京分隊前往軍營應用又諭現派調京兵二千卽日起程赴川每起二百名間二日一起行走所有將弁官兵等應得之項查例給發吉林黑龍江兵各一千名亦卽日起行其原以五百爲一起到京後則按每起二百之數分撥前進此項官兵向在德勝門外安營駐劄再行起程前往所有豫備事宜著英廉蔣錫榮照例妥辦俾得迅速進行並著傳諭各該督撫等卽飭沿途各屬豫備俾無稽滯並於司道大員中各省特派一人往來督辦又諭此次派赴金川之京城滿漢兵及吉林黑龍江索倫兵丁俱係世受國家重恩卽或地方有司豫備車輛人夫稍有欠

缺亦應將帶往之行李物件背負而行抑或輪流攜帶此係兵丁分內之事俱無不可惟期早抵軍營若向有司索取騷擾卽係不知感激無心出力報效之人非惟不能承受朕恩亦且自取罪戾著參贊領隊大臣及侍衛等開導曉諭倘致滋生事端除將本人從重治罪外其領隊行走之大臣侍衛官員等一併治罪

七月癸酉命將軍傅玉於八旗兵內再挑一千名派赴金川

上諭軍機大臣等據海蘭察奏請將黑龍江八旗兵內挑選一千人派往著照所請令黑龍江將軍傅玉再選精兵一千名派往聽用

嘉慶二年八月十四日命吉林黑龍江官兵馳赴河南勦捕白蓮

黑龍江志稿

卷三十一 武備 兵事

二十三

教

時白蓮教匪劉之協等聚眾滋擾楚豫各地方特徵吉林黑龍

江官兵馳往勦捕黑龍江頭起官兵抵京後本日副都統烏爾圖那遜帶領由京起程其不詳同時並由察哈爾挑備青馬八

千匹命副都統七里克齊等解送楚豫以備分撥應用九月初

三日吉黑兩省兵出直隸境馳赴前敵

嘉慶五年七月命長齡帶領續調吉林黑龍江官兵一千五百名

協勦陝豫楚等處教匪

先是河南巡撫吳熊光奏汝州寶豐郟縣交界地方匪徒糾眾焚掠七月初六日上諭續調吉林黑龍江官兵早經起程本月中旬均可到京派往軍營屆時經由豫省著吳熊光酌量情形

如豫省兵力不敷卽速奏明撥往七月初十日上恐豫省兵單

不敷勦捕諭吉林黑龍江兵一千五百名到京後卽令前赴豫省協勦並傳諭直隸山西總督挑選驍壯馬各五百匹迅解河南應用適劉之協就禽寶鄭教匪亦被痛勦潰匪二百餘人竄至彭山上乃諭續調吉林黑龍江兵一千五百名令長齡帶赴陝境勦賊萬一豫境餘匪尚在奔逃或須添兵協勦不妨與長齡商酌帶領協同搜捕俟餘孽淨盡後再赴陝境亦無不可至該省帶兵需人卽令與常佛倫保在彼管帶更可得力七月十九日上諭吳熊光既已勦平寶鄭竄匪而湖北賊匪頃據姜晟奏已分股折回郟縣紅石河花園一帶並竄至穀城均州等處勢又鴟張長齡可帶吉林黑龍江官兵卽徑赴湖北勦賊

黑龍江志稿

卷三十一 武備 兵事

二十四

嘉慶十一年八月陝匪擾亂城固陽縣裹脅二千餘人攻陷縣城其勢漸熾命富翰帶領黑龍江墨爾根學圍官兵赴陝助勦地名

詳未

嘉慶十八年十月黑龍江兵由陝西凱旋一千名

嘉慶十八年十月十五日命蘇清阿等帶領齊齊哈爾各城官兵馳赴直隸河南山東交界地方勦辦賊匪

先是九月間因直隸河南山東交界處所有匪徒聚眾滋事特命黑龍江將軍富俊將索倫兵挑選一千名先期預備待命經富俊奏挑齊齊哈爾兵二百名黑龍江城一百名墨爾根城一百名呼倫貝爾一百名布特哈五百名並將應給官兵口糧銀兩弓箭烏鎗選備整齊至是以軍營需用馬隊令預備官兵卽

行起程前往於是以齊齊哈爾二百名爲頭起由蘇清阿帶領起行墨爾根布特哈共二百名爲一起由富登阿帶領前往又布特哈四百名黑龍江呼倫貝爾各一百名爲三四五起由總管達斯呼爾岱在末起催趨行走原擬由草地進喜峯口路途較近但值天寒冰凍水草不便改由茂興站取道法庫門入山海關轉赴軍營

嘉慶十九年正月十二日諭勦平滑縣賊首李文成等功命將吉林黑龍江將軍喜明富俊等交部議叙

上諭內閣此次調赴軍營之吉林黑龍江官兵等於途次卽出力奮勉將司寨地方賊匪殲除並將賊首李文成勦斃及至滑縣攻城殺賊實屬奮勉可嘉此皆由該將軍副都統平日訓練

黑龍江志稿

卷三十一 武備 兵部

二十五

有方所致除色爾袞德寧阿業由軍營出力加恩外現任將軍喜明富俊副都統松寧穆騰額蘇清阿明德等著加恩一併交部議敘賽冲阿雖調補成都但離吉林未久著一併交部議敘正月十九日以那彥成奏挑黑龍江索倫出征兵留京當差窒礙甚多著不准行

上諭軍機大臣等那彥成奏酌挑吉林索倫兵留京當差等語所奏甚屬非是吉林黑龍江官兵鎗箭精熟朕所素知但留京當差格礙甚多該官兵各有家室此次奉調出兵不過暫時行役既無家室可居又無親戚可靠種種不便豈可不念及乎現在照每年學圍官兵之例詢其情願留京者方令留京那彥成奏請將一百三十餘人統行引見派差斷不准行將此諭令知

之

二月初一日兵部奏由河南凱撤之吉林黑龍江官兵到京後分起遣回原處從之

兵部奏正月二十九日據凱撤吉林領隊副都統德寧阿呈報凱撤吉林黑龍江官兵六百名均於二月初一日全數可以到京查上次河南先行凱撤吉黑官兵八百名奉旨到京休息一日內有情願留京當差者著王大臣詢問具奏其應行預備事宜照例備辦分起遣回原處此次凱撤官兵應行賞賜物件由內務府辦理至官兵六百名如同日令回原處沿途驛站預備車輛未免擁擠應請分爲二起間日起程俾沿途州縣可以從容預備由京出發時仍用良鄉原車直送通州逐站交替遣回

黑龍江志稿

卷三十一 武備 兵部

二十六

原處至調往陝西之吉林黑龍江官兵凱旋到京時亦照此辦理旋經盛京和寧等奏由河南凱撤吉林黑龍江官兵先後共一千四百名分爲六起自正月二十四日起出山海關陸續經過盛京城至二月二十二日止全出威遠堡邊門分赴吉林黑龍江原防

嘉慶二十五年六月初四日兵部議駁黑龍江將軍松寧請借庫銀給兵買馬從之

上諭前任黑龍江將軍松寧等奏請於庫貯備用銀內借給兵丁買立馬匹分年扣還一摺兵部議駁甚是松寧等原奏本不周妥黑龍江兵丁現有一萬二千八百餘名僅立馬四千餘匹不過三分之一此內孰爲應立馬者孰爲不應立馬者且借給



官銀買馬於餉銀內扣還朕思該兵丁所得餵養力有不支勢必瘦疲倒斃其餉銀仍須坐扣是馬匹未能增多徒令兵丁先受扣餉之累又添餵馬之費其事格礙難行著仍循其舊毋庸辦理

十一月初一日命出師官兵免賠乘騎打仗損傷馬匹

上諭奕額等奏所有河南陝西出師官兵乘騎打仗損傷馬匹請旨亦照乘回原處馬匹折價展限坐扣完繳等語此項馬匹該官兵等曾經乘騎打仗傷損及墜山之處彼時均已呈報右營翼長非騎回原處馬匹可比況該官兵等俱恃俸餉度日當差若將倒斃馬匹一律折價賠繳其力不免拮据著加恩將此項打仗傷損馬匹四百八十四匹俱著寬免毋庸賠繳以示朕體恤軍營奮勉奴僕之至意所有乘回原處馬五百六十二匹折價銀兩仍照從前所奏分限扣賠

黑龍江志稿

卷三十一 武備 兵甲 二十七

道光六年七月十七日命黑龍江將軍祿成挑選精兵遴派官員聽候調遣

時以回疆不靖命黑龍江將軍祿成吉林將軍富俊各挑備精兵一千名遴派諸練帶兵官員聽候調遣

八月十一日命黑龍江將軍續派官兵五百名陸續馳赴陝甘

上諭軍機大臣前令富俊祿成於吉林黑龍江官兵各調一千名外再各挑壯士五百名選派帶兵員弁候旨前往茲據富俊奏先派官兵一千名分爲二起每起分二日起程計此時均已陸續就道其續挑吉林各城兵五百名業經富俊派定員弁分

起帶領先期預備軍裝器械著卽飭令該員弁帶同官兵乘騎本處馬匹分起前進至黑龍江官兵除前調一千名業經祿成奏明分起行走外其續挑壯士兵五百名亦著祿成卽行揀派帶兵員弁飭令陸續起程

八月二十二日命黑龍江副都統德海帶領續調官兵來京嗣復命督赴軍營並賞銀百兩

上諭昨據祿成奏續調黑龍江官兵五百名已派副都統德海預備帶領前往軍營一摺朕已降旨祿成令將此起兵丁著派阿勒罕保帶領前往所有由黑龍江沿途前進既有總管照料卽毋庸德海前來惟念德海係本省副都統帶領該處兵丁易於約束著晉昌偵探德海現抵何處卽將此旨宣示仍著德海

黑龍江志稿

卷三十一 武備 兵甲 二十八

領此官兵五百名嚴加管束安速來京俟到京時交阿勒罕保後德海再回本任將此旨令祿成知之嗣於十月十三日復命德海帶領官兵馳赴軍營賞銀一百兩並隨帶弁兵銀幣

八月二十四日諭內閣那彥成停運協勦回疆應用藥鉛火繩並兵行供應各事宜

上諭內閣那彥成此次吉林黑龍江官兵三千名前赴回疆軍營協助所需藥鉛火繩由京分起解送各省派委員弁交替運轉茲據該督奏稱自京至甘相距道路綿長逐站更換車輛供應較難且長途遇雨受潮恐亦不堪應用前據鄂山奏明火藥鉛丸火繩現已飭局多爲製辦甘省籌備充裕足敷調用著將前項應解藥鉛火繩未經起運者留於京中各營配用其已由